

არასამეწარმეო (არაკომერციული) იურიდიული პირი „თვითმმართველი ქალაქ ფოთის სკოლამდელი სააღმზრდელო გაერთიანების“  
წესდება

სადამფუძნებლო დოკუმენტი  
(არასამეწარმეო (არაკომერციული) იურიდიული პირის)  
მუხლი 1  
ზოგადი დებულებები

- 1.1. არასამეწარმეო (არაკომერციული) იურიდიული პირი - „თვითმმართველი ქალაქ ფოთის სკოლამდელი სააღმზრდელო გაერთიანება“ (შემდგომში ტექსტში გაერთიანება) წარმოადგენს საქართველოს სამოქალაქო კოდექსის შესაბამისად შექმნილ არასამეწარმეო (არაკომერციულ) იურიდიულ პირს.
- 1.2. სუბიექტი წარმოშობილად ითვლება მეწარმეთა და არასამეწარმეო (არაკომერციული) იურიდიული პირების რეესტრში რეგისტრაციის მომენტიდან.
- 1.3. საზოგადოების სახელწოდება: არასამეწარმეო (არაკომერციული) იურიდიული პირი „თვითმმართველი ქალაქ ფოთის სკოლამდელი სააღმზრდელო გაერთიანება“.  
სამართლებრივი ფორმა: არასამეწარმეო (არაკომერციული) იურიდიული პირი.  
იურიდიული მისამართი : ქალაქ ფოთის მუნიციპალიტეტი, 26 მაისის ქ. N7 ქუჩა;  
ელექტრონული ფოსტა: **gaertianebapoti@gmail.com**.
- 1.4. არასამეწარმეო (არაკომერციული) იურიდიული პირი, ხელმძღვანელობისა და წარმომადგენლობითი უფლებამოსილების მქონე პირის მდგომარეობისაგან დამოუკიდებელია. არასამეწარმეო (არაკომერციული) იურიდიული პირის პასუხისმგებლობა შემოიფარგლება მისი ქონებით. არასამეწარმეო (არაკომერციული) იურიდიული პირის ვალდებულებებისათვის მისი ხელმძღვანელობისა და წარმომადგენლობითი უფლებამოსილების მქონე პირები პასუხს არ აგებენ. ასევე არ აგებს პასუხს არასამეწარმეო (არაკომერციული) იურიდიული პირი თავისი ხელმძღვანელობისა და წარმომადგენლობითი უფლებამოსილების მქონე პირების ვალდებულებებისათვის.
- 1.5. არასამეწარმეო (არაკომერციული) იურიდიული პირის „თვითმმართველი ქალაქ ფოთის სკოლამდელი სააღმზრდელო გაერთიანების“ (შემდგომში-ტექსტში გაერთიანება) დასაქმებულების თანამდებობრივი სარგოების ზედა ზღვარს განსაზღვრავს ქალაქ ფოთის მუნიციპალიტეტის საკრებულო, ხოლო საშტატო ნუსხას, თანამდებობრივ სარგოს ამტკიცებს გაერთიანების დირექტორი მერთან შეთანხმებით.
- 1.6. გაერთიანების საქმიანობის მიზნები და ამოცანები:
  - გაერთიანება ახორციელებს ადრეული და სკოლამდელი აღზრდისა და განათლების მომსახურების მიწოდებას.
  - გაერთიანება უზრუნველყოფს:
    - ა) სახელმწიფო სტანდარტების შესაბამისი სკოლამდელი აღზრდისა და განათლების მომსახურების მიწოდებას;
    - ბ) საქართველოს და საერთაშორისო კანონმდებლობებით დადგენილი განათლების უფლებისა და ბავშვისა და მისი მშობლის/კანონიერი წარმომადგენლის სხვა უფლებების დაცვასა და პატივისცემას;
    - გ) საქართველოში მოქმედი ნორმატიული აქტების, ტექნიკური რეგლამენტების, ქალაქ ფოთის მუნიციპალიტეტის საკრებულოს, მერის სამართლებრივი აქტების შესრულებას;

- დ) ადრეული და სკოლამდელი აღზრდისა და განათლების მომსახურების მიწოდებას;
- ე) ბავშვთა მშობლებთან/კანონიერ წარმომადგენლებთან და საზოგადოებასთან ეფექტიან ურთიერთობას;
- ვ) სკოლამდელი აღზრდის დაწესებულებაში ბავშვთა უფასო აღზრდასა და განათლებას, აგრეთვე მათ კვებას საქართველოს კანონმდებლობით დადგენილი წესით;
- ზ) სკოლამდელი აღზრდისა და განათლების, მათ შორის, სასკოლო მზაობის პროგრამის, ბავშვებისთვის მიწოდებას საქართველოს კანონმდებლობის შესაბამისად.

-გაერთიანებაში ასაკობრივი ჯგუფები კომპლექტდება „ადრეული და სკოლამდელი აღზრდისა და განათლების შესახებ“ საქართველოს კანონისა და მოქმედი კანონმდებლობის შესაბამისად.

1.7. არასამეწარმეო (არაკომერციული) იურიდიული პირის საკუთრებაში არსებული ქონების გასხვისება შესაძლებელია კანონმდებლობით დადგენილი წესით, თუ გასხვისება ემსახურება არასამეწარმეო (არაკომერციული) იურიდიული პირის საქმიანობას, მის ორგანიზაციულ განვითარებას, ხელს უწყობს მისი მიზნების განხორციელებას .

## მუხლი 2 გაერთიანების დამფუძნებელი

2.1 გაერთიანების დამფუძნებელი არის საჯარო სამართლის იურიდიული პირი - ქალაქ ფოთის მუნიციპალიტეტი (საიდენტიფიკაციო კოდი 215138143, თვითმმართველი ერთეულების რეესტრში რეგისტრაციის თარიღი 04.12.2006 წელი, მისამართი საქართველო, ქალაქ ფოთის მუნიციპალიტეტი, დავით აღმაშენებლის ქუჩა N12. ქალაქის ფოთის მუნიციპალიტეტის მერიის ხელმძღვანელია - ქალაქის ფოთის მუნიციპალიტეტის მერი გოჩა კურდღელია მისამართი: ქალაქი ფოთი, წმინდა გიორგის ქ.N35).

## მუხლი 3. გაერთიანების მართვა

გაერთიანების უმაღლეს მმართველობით ორგანოს წარმოადგენს დამფუძნებელი (ქალაქ ფოთის მუნიციპალიტეტის მერი, საკრებულო), რომელიც:

1. იღებს გადაწყვეტილებას საქართველოს კანონმდებლობით დადგენილი წესის შესაბამისად გაერთიანების ლიკვიდაციის, რეორგანიზაციის შესახებ;
2. ისმენს გაერთიანების დირექტორის ანგარიშს,
3. იღებს გადაწყვეტილებას უძრავი ქონების შეძენის, გასხვისების, სესხის აღების, თავდებობის შესახებ;
4. მე-3 მუხლის პირველი, მე-2, მე-3 პუნქტებში მითითებული უფლება- მოვალეობის გარდა სხვა უფლება-მოვალეობებს ახორციელებს დირექტორი.

## მუხლი 4. გაერთიანების სტრუქტურა და შემადგენლობა

გაერთიანების სტრუქტურაში შედის გაერთიანების შესაბამისი სტრუქტურული ერთეულები:

- ა) N1 სკოლამდელი სააღმზრდელო დაწესებულება- ქ.ფოთი, 26 მაისის ქ. N6.
- ბ) N2 სკოლამდელი სააღმზრდელო დაწესებულება - ქ.ფოთი, გურიის ქუჩა N202.
- გ) N3 სკოლამდელი სააღმზრდელო დაწესებულება - ქ.ფოთი, სამეგრელოს ქუჩა N120.
- დ) N5 სკოლამდელი სააღმზრდელო დაწესებულება - ქ.ფოთი, 9 აპრილის ხეივანი N48.

- ე)N6სკოლამდელი საადმზრდელი დაწესებულება - ქ.ფოთი, აკაკი წერეთლის ქუჩა N36.
- ვ)N7სკოლამდელი საადმზრდელი დაწესებულება - ქ.ფოთი, ვლადიმერ ზამბახიძის ქუჩა N12.
- ზ)N8სკოლამდელი საადმზრდელი დაწესებულება - ქ.ფოთი, მამუკა კაცაძის ქუჩა N29.
- თ)N9 სკოლამდელი საადმზრდელი დაწესებულება - ქ.ფოთი, გიორგი ჭყონდიდელის ქუჩა N18.
- ი)N10სკოლამდელი საადმზრდელი დაწესებულება - ქ.ფოთი, კოტე მარჯანიშვილის ქუჩა N17.
- კ)N11 სკოლამდელი საადმზრდელი დაწესებულება - ქ.ფოთი, გელა ჯიქიას ქუჩა N3.
- ლ)N12სკოლამდელი საადმზრდელი დაწესებულება - ქ.ფოთი, ოთარ კიკაღიშვილის ქუჩა N4ა.
- მ)N13სკოლამდელი საადმზრდელი დაწესებულება - ქ.ფოთი, გურიის ქუჩა N195.
- ნ)N14სკოლამდელი საადმზრდელი დაწესებულება - ქ.ფოთი, ალექსანდრე ჭავჭავაძის ქუჩა N154.
- ო)N15სკოლამდელი საადმზრდელი დაწესებულება - ქ.ფოთი, ნატო ვაჩნაძის ქუჩა 14.
- პ)N16სკოლამდელი საადმზრდელი დაწესებულება - ქ.ფოთი, თამარ მეფის ქუჩა N102.
- ჟ)N17 სკოლამდელი საადმზრდელი დაწესებულება - ქ.ფოთი,თამარ მეფის ქუჩა N54.

#### მუხლი 4

#### გაერთიანების ხელმძღვანელობა/წარმომადგენლობა

- 4.1. გაერთიანების ხელმძღვანელია - დირექტორი, რომელიც ინიშნება/თავისუფლდება ქალაქ ფოთის მუნიციპალიტეტის მერის ბრძანების საფუძველზე.
- 4.2. დირექტორი ახორციელებს ყველა უფლება-მოვალეობას და პასუხს აგებს ორგანიზაციის შემოქმედებითი და ადმინისტრაციულ-სამეურნეო საქმიანობაზე, სახელშეკრულებო, საფინანსო, შრომისა და საწარმოო დისციპლინის დაცვაზე.
- 4.3. დირექტორი ხელს აწერს წლიურ ანგარიშებს, ბალანსებს და სხვა დოკუმენტებს.
- 4.4. დირექტორი გასცემს რწმუნებებს და მინდობილობებს სხვადასხვა სახის ხელშეკრულებათა განსახორციელებლად.
- 4.5. დირექტორი ქალაქ ფოთის მუნიციპალიტეტის საკრებულოს მიერ დამტკიცებული ასიგნებისა და ზედა ზღვარის ფარგლებში ქალაქ ფოთის მუნიციპალიტეტის მერთან შეთანხმებით განსაზღვრავს საშტატო ნუსხას და თანამდებობრივ სარგოებს.
- 4.6. დირექტორი შრომის კანონმდებლობის შესაბამისად დებს შრომით ხელშეკრულებებს დასაქმებულთან, განსაზღვრავს მათ უფლებამოსილებას.
- 4.7. დირექტორი გამოსცემს ბრძანებებს თავისი კომპეტენციის ფარგლებში.
- 4.8. დირექტორი ვალდებულია წარუდგინოს ქალაქ ფოთის მუნიციპალიტეტის მერს, საკრებულოს ანგარიშები გაწეული მუშაობის შესახებ, ასევე სხვა მოთხოვნილი ინფორმაცია, რომელიც დაკავშირებულია დაწესებულების საქმიანობასთან.
- 4.9. გაერთიანების წარმომადგენლობაზე უფლებამოსილი პირია დირექტორი.

#### მუხლი 5

#### დამფუძნებლის და წევრების უფლებები და მოვალეობები

დამფუძნებლის ქალაქ ფოთის მუნიციპალიტეტის (ქალაქ ფოთის მუნიციპალიტეტის მერის, საკრებულოს) უფლებები და მოვალეობები განისაზღვრება ამავე წესდებით და მოქმედი კანონმდებლობის შესაბამისად.

#### მუხლი 6

#### გაერთიანების ლიკვიდაცია/რეორგანიზაცია

- 6.1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით.
- 6.2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს

გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის შესაბამისად.

6.3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.

6.4. დამფუძნებლის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.

6.5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრავს არასამეწარმეო (არაკომერციული) იურიდიული პირის დამფუძნებელი არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:

- ა) გასხვისება ხელს უწყობს მის მიერ დასახული მიზნების განხორციელებას.
- ბ) ემსახურება საქველმოქმედო მიზნებს;
- გ) ქონება გადაეცემა სხვა არასამეწარმეო (არაკომერციულ) იურიდიულ პირს.

6.6 აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებელს, ხელმძღვანელობასა და წარმომადგენლობითი უფლებამოსილების მქონე პირებს შორის.

6.7. თუ არასამეწარმეო (არაკომერციული) იურიდიული პირის დამფუძნებელი არ განსაზღვრავს ლიკვიდაციის შედეგად დარჩენილი ქონების მიღებაზე უფლებამოსილ პირს, სასამართლო არასამეწარმეო (არაკომერციული) იურიდიული პირის ლიკვიდაციის შედეგად დარჩენილ ქონებას გადასცემს შესაბამისად ერთ ან რამდენიმე არასამეწარმეო (არაკომერციულ) იურიდიულ პირს. თუ ასეთი ორგანიზაციები არ არსებობს ან შეუძლებელია ასეთი ორგანიზაციების გამოვლენა, მაშინ შეიძლება მიღებულ იქნეს გადაწყვეტილება ამ ქონების მუნიციპალიტეტისთვის გადაცემის შესახებ. სასამართლომ ქონება შეიძლება გაანაწილოს ლიკვიდაციის პროცესის დაწყების რეგისტრაციიდან 6 თვის შემდეგ.

6.8. ლიკვიდაციას ახორციელებს ხელმძღვანელობის უფლებამოსილების მქონე პირი ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

6.9. ლიკვიდაციაზე და რეორგანიზაციაზე გადაწყვეტილებას ღებულობს დამფუძნებელი, ხოლო შესაბამის ღონისძიებებს ახორციელებს დირექტორი.

## მუხლი 7 დასკვნითი დებულებები

7.1. წინამდებარე წესდება ძალაში შედის დამფუძნებლის უფლებამოსილი პირის (ქალაქ ფოთის მუნიციპალიტეტის მერი) მიერ ხელმოწერის მომენტიდან.

7.2. თუ ამ წესდების რომელიმე დებულება ბათილად იქნა ცნობილი, ეს გავლენას არ მოახდენს წესდების სხვა დებულებების ნამდვილობაზე.

7.3. ამ წესდებასა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.

ქალაქ ფოთის მუნიციპალიტეტის მერი



გოჩა კურდელია